

## Америкин школмудт орс кел даслгън

НЬЮ-ЙОРК, июнин 16. (ТАСС). «Крисчен сайенс монитор» газет, сургъулин шин джил эклхлә Сиэтлин дундин 4 школд орс кел сургългън кегдхмн гидж бичджәнә. Эн школмудин 200 гар сургъульчнр орс кел даснавдн гидж дуран тусхадж, эднә неквринь эцк-экрннь дөнънцхәдж. Сиэтлин талин школмудт орс кел дасхлгън немүр предмет кегддж, сургъулян сәәнәр дасдж йовх сургъульчнрт дасхгдхмн.

Сиэтлин муниципальн школмудин, талин келн-әмтсин кел даслгъна заведующ Э. Бабкос, «Крисчен сайенс монитор» газетин корреспондентлә кесн күүндвртән, орс кел даслгънд иигдж икәр дурн туслгън Газрин советск дахуль тәвгдснәс авн гарчасн деерән, «орсмудла культурн сольца келгън өсджәснәс чигн иштә болджана. Хоорндан залгълдата бәәдж, нег-негнәннь ухан-седклән чикәр меддж авч бәәсн ик туста болхинь әмтн экләд медджәнә, тегәд энүг кел медлго күцдж болшго гидж тедн чикәр тоолджана» гидж келв.